

Հետազոտական աշխատանք

Թեմա-(Նյութերի գեղարվեստական մշակում)
Թեմային ուսուցումը 5-րդ դասարանում՝ որպես
արհեստի միջոցով կյանքի ճանաչելու և մարդկանց
դաստիարակելու հզոր միջոց.

Առարկա-Տեխնոլոգիա

Հեղինակ-Սուսան Հակոբյան մարզ Արագածոտն

Ուսումնական հաստատություն Վարդաբլուրի
միջնակարգ դպրոց

Բովանդակություն

1. Ներածություն .

Նյութերի գեղառվեստական մշակում

1. Գեղարվեստական արհեստները Հայաստանում

2. Արտադրանքի գործառնական և գեղագիտական արժեք

3. Դեկորատիվ-կիրառական արվեստ

4. Դեկորատիվ նեոկում և երանգավորում

5. Նկարազարդում նախակադապարով

6. Խարափորագրում

7. Եզրակացություն

8. Օգտագործված գրականություն

Ներածություն

Մեծ Շիրազն է ասել .<<Արհեստը ոսկե բիլագուկ է>>:

Արհեստի կարևորության ,արժեքավոր նշանակության մասին

է.<<Արհեստ ունեցողը մինչև կեսոր է սոված,չունեցողը ` մինչև իրիկուն>>:

Եվ այս հին հայկական առածը մեզ պատկերացում է տալիս ,թե ինչ դեր

և նշանակություն է ունեցել արհեստը հայկական կենցաղում :

Եվ իմ նպատակն է , որպես ուսուցիչ երեխաներին սովորեցնել ,որ

արհեստ ունեցող մարդիկ առավել հարգված են եղել հասարակության մեջ:

Արժեվորելով արհեստի նշանակությունը երեխաներին սովորեցնել ,որ

արհեստը ոչ բոլորի համար է եղել միայն լոկ աշխատանք կամ փող

աշխատելու միջոց :

Եղել են և առհեստավորներ , ում համար արհեստը ապրելակերպ է եղել

` միտված արվեստ ստեղծելուն:

Հայկական մշակույթը առանձնանում է իր յուրահատուկ արհեստներով:

Եվ դրանցից այսօր շատ քչերն են պահպանվել:

Շատ կարևոր է սովորողին ծանոթացնել հին հայկական

արհեստներին `գնդակագործություն,լարախաղացություն:

Ժամանակին մեծ նշանակություն են տվել գլխարկին `ով գլխարկ չուներ
,պատիվ էլ չուներ:Եթե խոսենք լարախաղացության մասին , կոժվարանանք
նշել այն արհեստ է,արվեստ է , թե մշակույթ:

Այսօր շատ դժվար է հանդիպել լարախաղացների ,չնայած նրանք ժամանակին զարդարում էին մեր մանկության տոնակատարությունները: Լարախաղացը երաժշտախմբի նվագակցությամբ պարում է երկու սյուների մեջ ձգված լարի վրա: Լարախաղացի խաղակից ծաղրածուն գումար է հավաքում հանդիսականներից և կրկնօրինակում լարախաղացի շարժումները:

Մուշուրբա կամ կլկլան բաժակ

Մուշուրբա կոչվող յուրօրինակ կլկլան բաժակների ծննդավայրը Գյումրին է: Այն գյումրեցիների ամենացանկալի նվերն է: Մուշուրբան պատրաստվում է լատունից ,արծաթից, պղնձից և հազվադեպ նաև ոսկուց: Այս բաժակի առանձնահատկությունը կայանում է նրանում, որ խմելիս ըուրահատուկ կլկլոց է լսվում ,որտեղից էլ առաջացել է բաժակի անվանումը: Ըստ ավանդույթի արհեստը հորից անցնում է որդուն : Հորից որդուն է փոխանցվում նաև վարպետի գաղտնիքները:

Արհեստն ունի երկար պատմություն : Նախնադարյան համայնքներն առավել հաճախ զբաղվում էին կենցաղային արհեստներով ՚իրեր պատրաստելով քարից , ոսկորից ,կավից , փայտից և այլն: Տնային արհեստը տնային տնտեսության համար անհրաժեշտ ապրանքների արտադրությունն է:

Ոսկերչական արհեստ

Ոսկերչական արհեստը մարդկության մեջ ամենահիններից է: Հին ժամանակներից մարդիկ եղել են զարդերի կրքոտ երկրպագուներ : Թանկարժեք մետաղներից կամ գունավոր ապակուց պատռաստում էին ուլունքներ ,տարբեր նախշերով կախազարդեր ,արծաթյա մատանիներ: Ժամանակակից աշխարհում կյանքը ավելի բարեկեցիկ է դարդձել, ինչի շնորհիվ էլ բնակչությունն ավելի է զգում բարձրարվեստ զարդերի կարիքը:

Գեղարվեստական արհեստները Հայաստանում

Սովորողներին ծանոթացնել գեղոցիկի բազմազան ,բարդ ու դյուրիչ աշխարհին :Սովորեցնել, որ գեղեցկությունը հանդես է գալիս բնության մեջ,աշխատանքում ,մարդկային հարաբերություններում , արվեստում : Սովորողի մեջ ևս պետք է ձևավորել հետաքրքրություն գեղեցիկի

նկատմամբ: Երեխային պիտի առաջնորդել ,միաժամանակ խրախուսել ստեղծագործաբար աշխատելու հնարավորություն ընձեռնելով :

Քանի որ ոչ բոլորն են կարողանում նկարել ,բանաստեղծություն կամ երաժշտություն գրել,բայց կարող են գեղեցիկը տեսնել ու յուրովի ստեղծագործել:

Ուսուցչի նպատակը պետք է լինի արհեստը ներկարացնել ` որպես կրանքը ճանաչելու և մարդկանց դաստիարակելու հզոր միջոց:

Իմ խնդիրն է սովորեցնել երեխաներին , որ հնուց ի վեր հայերը ծանոթ են եղել փայտի գեղարվեստական մշակմանը:

Ուսուցչի նպատակն է ուղորդել երեխաներին այցելել Հայաստանի պատմության թանգարան ,որտեղ էլ կտեսնեն փայտի վրա կատարված փորագրությունների հիանալի նմուշներ : Սովորեցնել երեխաներին , որ

Հայկական միջնադարյան գեղարվեստական փայտագործության գլուխգործոցն է համարվում Մշո Սուրբ Առաքելոց վանքի դուռը . 1134թ .

Դռան փեղկերը ծածկված են երկրաչափական շրջանակի կողերը է առասպելական և իրական կենդանիներ պատկերող զարդանախշերով, իսկ բարավորը ` զինված հեծյալների բարձրարվեստ քանդակներով :

Ուսուցանել, որ փայտի գեղարվեստական մշակումը չէր սահմանափակվում միայն փորագրությամբ , այլ մակերևույթը ծածկվում էր զարդաձևերով ` կազմված արծաթյա նախշերից , ոսկրի , սադափի , կրիայի պատյանի , ինչպես նաև այլ գույնի փայտի կտորներից:

Սովորողին ծանոթացնել հին և միջնադարյան Հայաստանի մետաղագործական արհեստներին (դարբնություն, բրոնզագործություն, պղնձագործություն և այլն):

Վաղ անցյալում տարածված էին տնային արհեստները, իսկ զարգացած ավատատիրության ժամանակ՝ շուկայական արհեստները, որոնք գոյատևել են նաև կապիտալիստական խոշոր արդյունաբերության պայմաններում և հասել մեր օրերը: Շուկայական արհեստներով զբաղվող հմուտ արհեստավորները ստեղծել են բարձրորակ, հաճախ նաև բարձրարժեք գեղարվեստական արտադրանք: Առավել հին են մորթու, կաշվի արտադրանքի, կավագործական իրերի, փայտի վերամշակման արհեստները: Հայաստանում մ. թ. ա. VI–IV հազարամյակներից սկզբնավորված արհեստներից են կավագործությունը, քարգործությունը, փայտամշակությունը: Պղնձի, կապարի, անագի, երկաթի և ազնիվ մետաղների հանույթի ու մշակման, հալման և ձուլման տեխնիկայի կատարելագործմանը զուգահեռ զարգացել են մետաղագործական արհեստները՝ պղնձագործությունը, բրոնզագործությունը, դարբնությունը, զինագործությունը, ոսկերչությունը, պատրաստվել են գյուղատնտեսական գործիքներ (բահ, քլունգ, գութանի ու արորի խոփեր և այլն), կենցաղային իրեր (կաթսա, ճրագ, մոմակալ և այլն), զարդեր (մատանի, ականջօղեր, գոտի, ապարանջան և այլն): Մետաղագործության բազմաթիվ նմուշներ պահպանվել են մինչև մեր օրերը: Հնագիտական պեղումների ժամանակ Հայաստանում հայտնաբերվել են մեծ քանակությամբ ոսկե, արծաթե, բրոնզե առարկաներ: Քարի տարատեսակներով հարուստ Հայաստանում հնագույն ժամանակներից առավելապես զարգացած էին քարգործությունը. տները, ամրոցները, իջևանատները, եկեղեցիները, կամուրջները հիմնականում կառուցվել են քարից: Միջնադարում կատարելության են հասել նաև կրագործությունը, գաջագործությունը: Հայ շինարարները կրից և գիպսից պատրաստել են հատուկ զարդեր շենքերի ներսը նախշազարդելու համար: Անի և Դվին քաղաքների պեղումներով հայտնաբերվել են դրանց բազմաթիվ հետքեր: Համընթաց սկիզբ են առել նաև կավագործությունը (բրուտագործություն) և ապակեգործությունը, հախճապակու արտադրությունը, որը IX–XI դարերում զարգացման բարձր մակարդակի է հասել Անիում ու Դվինում, շարունակվել Կուտինայում (Թուրքիա): Կավագործ արհեստավորները զարգացրել են նաև շինարարական խեցեղենի՝ աղյուսի, կղմինդրի,

փողրակների արտադրությունը: Դարերի խորքից են գալիս նաև ատաղձագործությունը, երկրագործական գործիքների, կահույքի Բուրվառ (արծաթ, XVIII դար, Մայր աթոռ Սբ Էջմիածին) արտադրությունը, նավաշինությունը, փայտի գեղարվեստական փորագրությունը և այլն: Հայաստանը հայտնի էր նաև իր գործվածքներով (բեհեզ, ծիրանի, կերպաս, թավիշ, դիպակ) ու կաշվեղենով, դրանք արտադրող արհեստներով՝ գգրարություն, մանածագործություն, մետաքսագործություն, բամբակագործություն, կտավագործություն, գորգագործություն, կարպետագործություն, թաղիքագործություն, կոշկակարություն, որոնց սերտորեն կապված էր ներկարարությունը: Պատմական Հայաստանի քաղաքներից շատերը որևէ արհեստի նշանավոր կենտրոններ էին: Արհեստավորներին ղեկավարել են տվյալ արհեստի շահերը պաշտպանող համքարությունները: Բարձրորակ կերտվածքներ պատրաստող արհեստները շարունակ կատարելագործվում և առավելագույնս մոտենում են արվեստներին:

Գեղարվեստական արհեստները Հայաստանում

Նպատակ- *Սովորողներին ծանոթացնել Հայաստանի Գեղարվեստական արհեստներին

Ձևավորել գիտելիքները աշխատանքի պլանավորման, կազմակերպման բնագավառում

*Սովորեցնել պահպանել անվտանգության կանոնները

*Սովորեցնել մտածել, վերլուծել, նոր մտահաղացումներ ունենալ
*Հաղորդել գիտելիքներ տարբեր ժամանակների փորագրության, փայտագործության, իրական և առասպելական կենդանիներ պատկերող զարդանախշերին

*Ծանոթացնել կատարման տեխնիկայի ձևերի բազմազանության, կաշեգործության, գործվածքեղենի արտադրությանը
Վերջնաարդյունք- .

*Առաջարկել գործվածքներից ասեխնագործել հին և միջնադարյան նմուշներով նախշազարդել:

Արտադրանքի գործառնական եվ գեղագիտական արժեք

Երեխաներին սովորեցնել նաև , որ ցանկացած արտադրանք ունի որոշակի առանձնահատկություններ , որոնք ի հայտ են գալիս նախագծման , պատրաստման , շահագործման կամ օգտագործման ժամանակ:

Շահագործման կամ օգտագործման ժամանակ ի հայտ եկած հատկությունները անվանում են սպառողական:

Ապրանքի օգտագործման ժամանակ սպառողական հատկությունները մարդու և շրջակա միջավայրի վրա կարող են ունենալ դրական կամ բացասական ազդեցություն : Դրանք ծառայում են մարդու նյութական և գեղագիտական պահանջների բավարարման համար և բնութագրում են ապրանքի օգտագործման արդյունավետությունն ու հարմարավետությունը ,սոցիալական նշանակությունը, գործնական օգտակարությունը և գեղագիտական կատարելությունը : Արս ամբողջ միացությունը արտադրանքի որակն է: Արտադրանքը համարվում է որակյալ, եթե ունի համապատասխան գործառնական և գեղագիտական ցուցանիշներ :

Արտադրանքի գեղագիտական հատկությունները պետք է համապատասխանեն սպառողի ոճի և ճաշակի պահանջներին : Այդ հատկությունները ձևավորվում են արտադրանքի գեղարվեստական կոնստրուկտավորման ժամանակ:Գեղագիտական հատկությունները

բնութագրվում են մի շարք ցուցանիշներով՝ տեղեկատվական և գեղագիտական արտահայտություն :

Դեկորատիվ- կիրառական արվեստ

Դեկորատիվ-կիրառական արվեստ, դեկորատիվ արվեստի ճյուղ:

Ընդգրկում է ստեղծագործական այն բնագավառները, որում ստեղծվում

են գեղարվեստական կենցաղային իրեր (կահույք, գործվածք,

աշխատանքի գործիք, ինչպես նաև զգեստ, զարդ):

Դեկորատիվ արվեստը միջավայրի, տոնակատարությունների,

հանդիսությունների, ցուցադրությունների և այլ միջոցառումների

գեղարվեստական ձևավորման, ինչպես նաև գեղարվեստական

կենցաղային իրերի պատրաստման արվեստն է: Դեկորատիվ-

կիրառական արվեստը դեկորատիվ արվեստի և ժողովրդական

ստեղծագործության նյութական ու հոգևոր արժեքներ ստեղծող ոլորտ է:

Դեկորատիվ արվեստն սկզբնավորվել է հասարակության զարգացման

վաղ շրջանում: Դարերի ընթացքում այն կրել է տարբեր ոճերի և

ուղղությունների ազդեցությունը: Մ. թ. ա. II հազարամյակում
Չինաստանում ստեղծվել են բրոնզե գեղարվեստական կերտվածքներ,
ոսկրե և նեֆրիտե քանդակազարդ առարկաներ, մ. թ. ա. V-III
դարերում՝ բարձրորակ մետաքսե գործվածքներ, խեցեղեն, մ. թ. VIII–X
դարերում ծաղկման է հասել ճենապակու, իսկ XIV–XVIII դարերում՝
խեցեգործական արտադրությունը: Միջնադարյան Եգիպտոսի
դեկորատիվ-կիրառական արվեստում տարածված էին դաջածո
գործվածքները, նկարազարդ խեցեգործությունը, ընդելուզված կահույքի
պատրաստումը, փայտափորագրությունը և այլն: Դեկորատիվ
արվեստի գանձարանում իրենց ծանրակշիռ ավանդն ունեն հայ
վարպետները: Կարի, ոսկերչության, դրվագման, խեցեգործության և
արհեստների այլ տեսակներ Չայաստանում հայտնի էին մ.թ.ա. III
հազարամյակից: Չայկական ոսկերչությունն ու ակնագործությունը
զարգացել են ոչ միայն Դվինում, Անիում, Արծնում, Վասպուրականում,
Արցախում, Ախալցխայում, այլև Կոստանդնուպոլսում, Լվովում,
Թիֆլիսում, Նոր Զուղայում, Նուխիում, Շամախիում և այլուր: Վաղ
միջնադարից մինչև XIX դարը պատրաստվել են թանկարժեք

մետաղներով, քարերով զարդարված, դրվագված, ընդելուզված գրքերի

նրբագեղ կազմեր ու մասնատուփեր: Միջազգային շուկայում մեծ

պահանջարկ ունեին փորագրված ոսկրե իրերը, կարմիր կաշվե

առարկաները, փայտե քանդակագարդ կերտվածքները: IX–XIII

դարերում Հայաստանում զարգացման բարձր մակարդակի են հասել

կարը, կտորեղենի ձևավորումը, արտահանվել են բրդե, մետաքսե

ինքնատիպ գործվածքներ: Ֆրանսիայում չթի մեծ պահանջարկի

ժամանակ հայերը 1677 թվականին Մարսելում ստեղծել են դաջածո

կտորների ֆաբրիկա, որն առաջինն էր Եվրոպայում, իսկ 1699

թվականին անգլիացիները դաջածո գործվածքներ են պատվիրել

Սպահանի հայ վարպետներին: XVII– XVIII դարերում լեռ

ազնվականության զգեստի պարտադիր տարր էր «Սլուցկի գոտին», որը

պատրաստում էին Սլուցկի հայերը և արտահանում եվրոպական

երկրներ :

Գիտական գրականության մեջ 19-րդ դարի 2-րդ կեսից դեկորատիվ-

կիրառական արվեստի ստեղծագործությունները դասակարգվում են

ըստ գործնական նշանակության, ըստ նյութի (մետաղ, փայտ, խեցի),

ըստ կատարման տեխնիկայի (փորագրում, ասեղնագործում, ձուլում,

դաջում, դրվագում): Այդ դասակարգումը պայմանավորված է

դեկորատիվ-կիրառական արվեստի կառուցվածքային տեխնոլոգիական

եռությամբ և արտադրության հետ անմիջական կապով: Գործնական և գեղարվեստական խնդիրները լուծելով համատեղ, ինչպես և

ճարտարապետությունը, դեկորատիվ-կիրառական արվեստը

պատկանում է և՛ նյութական, և՛ հոգևոր արժեքների ստեղծման ոլորտին: Նրա ստեղծագործությունները սերտ կապված են տվյալ դարաշրջանի նյութական մշակույթին, կենցաղին, տեղական էթնիկ, ազգային, ինչպես և սոցիալական ու դասակարգային առանձնահատկություններին: Լինելով նյութ, միջավայրի բաղկացուցիչ մաս՝ դեկորատիվ-կիրառական արվեստի գործն իր գեղագիտական արժանիքներով, կերպարային կառուցվածքով ու բնույթով ներազդում է մարդու հոգեվիճակի վրա, ընկալվում ճարտարապետական տարածական միջավայրի, շրջակա առարկաների ու դրանց համալիրների (սպասք, կահույք, տարազ, ոսկերչական իրեր) փոխադարձ կապով: Առարկայի արխիտեկտոնիկան, որը պայմանավորված է նրա կիրառման բնույթով, նյութի կոնստրուկտիվ հնարավորություններով ու պլաստիկ հատկություններով, հաճախ հիմնական դեր է խաղում հորինվածքում: Երբեմն դեկորատիվ-կիրառական արվեստում նյութի գեղեցկությունը, համամասնությունը, ռիթմական կառուցվածքը ստեղծագործության հուզական կերպարային բովանդակության մարմնավորման եզակի միջոցներ են (օրինակ, մետաղյա, խեցեղեն կամ ապակե իրերը, որոնք նկարագարոյ չեն): Իրի դեկորը (զարդը) նույնպես էական դեր ունի կերպարային կառուցվածքում: Շատ հաճախ դեկորի շնորհիվ կենցաղային իրը դառնում է դեկորատիվ-կիրառական արվեստի գործ: Դեկորատիվ-կիրառական արվեստի դեկոր ստեղծելու համար օգտագործվում են զարդապատկերը և կերպարվեստի զանազան տարրեր (քանդակ,

գեղանկար, երբեմն՝ գրաֆիկա): Կերպարվեստի միջոցները և զարդապատկերը դեկորատիվ-կիրառական արվեստում ծառայում են ոչ միայն դեկոր ստեղծելուն, այլև երբեմն ներթափանցում են առարկայի ձևի մեջ (կենդանիների թաթերի, գլուխների, արմավիկների, խոյոլերի և այլ տեսքով կահույքի մանրամասներ, պտուղի, թռչնի, կենդանու, մարդու ֆիգուրներից անոթներ): Իրի գեղարվեստական և կիրառական ֆունկցիաների միասնության, ձևի և դեկորի փոխներթափանցման մեջ ի հայտ է գալիս դեկորատիվ-կիրառական արվեստի սինթետիկ բնույթը: Դեկորատիվ-կիրառական արվեստը սկիզբ է առել մարդկային հասարակության վաղ շրջանում և դարերի ընթացքում եղել գեղարվեստական ստեղծագործության հիմնական բնագավառներից մեկը: Կերպարվեստի մյուս տեսակների նման այն կրել է գեղարվեստական տարբեր ոճերի, ուղղությունների ազդեցությունը: 19-րդ դարի 2-րդ կեսի Էկլեկտիզմի միտումները աղքատացրել են նաև դեկորատիվ-կիրառական արվեստը: Իշխող անճաշակությանն ու զանգվածային մեքենայական արտադրության դիմագրկող ներգործությանը արվեստագետները հակադրել են արհեստավորական կամ գործարանային եղանակով պատրաստված եզակի առարկաներ: Յուրաքանչյուրի հեղափոխությունից հետո դեկորատիվ-կիրառական արվեստը զարգացավ գաղափարական և գեղագիտական նոր հիմքերով: ԽՍՀՄ-ում բանվորական բնակարանների, հանրակացարանների, ակումբների, ճաշարանների կոմպլեքսային հարդարանքի, աշխատանքային տեղամասի ռացիոնալ սարքավորման և այլ խնդիրներ ստեղծագործական որոնումների հնարավորությունն ընձեռեցին կոնստրուկտիվիստների, Գերմանիայում և այլ երկրներում ֆունկցիոնալիստների համար, որ և շատ բանով նպաստեց դիզայնի ի հայտ գալուն: ԽՍՀՄ-ում վերածնվեցին ժողովրդական արհեստները: Դեկորատիվ-կիրառական արվեստի վարպետները օգտվեցին ազգային հարուստ ավանդույթներից: ԽՍՀՄ-ում ֆաբրիկային եղանակով արտադրվող առօրյա կենցաղային իրերի ֆունկցիոնալ և գեղարվեստական արտահայտչամիջոցների ու դեկորի որոնումներին զուգընթաց արվեստագետները զբաղված են նաև եզակի գործերի ստեղծմամբ: Յամաշխարհային Դեկորատիվ-կիրառական արվեստի զանճարանում իրենց ներդրումն ունեն հայ վարպետները: Գորգերը,

ժանյակները, ասեղնագործ կտորեղենը, տարազի տարատեսակները, խեցեղենը, փայտի գեղարվեստական մշակումը վկայում են արվեստի այդ ճյուղի հնագույն ավանդները: Հայկական ԽՍՀ-ում դեկորատիվ-կիրառական արվեստը վերելք է ապրել: Դրան օգնել հանրապետական ժողովրդական ստեղծագործության տունը, Հայաստանի նկարիչների միությունը, կադրեր են պատրաստում Երևանի գեղարվեստաթատերական ինստիտուտը, գեղարվեստա-տեխնիկական ուսումնարանը և այլ կազմակերպություններ: ՀՀ-ում դեկորատիվ-կիրառական արվեստը շարունակում է նորովի զարգանալ ազգային ավանդույթների հենքի վրա: Այդ ոլորտի հայ վարպետներն զբաղվում են ապակու տարատեսակների (հախճապակի, ճենապակի) գեղարվեստական մշակմամբ, արծաթագործությամբ, ոսկերչությամբ, մետաղագործությամբ, փայտագործությամբ, խեցեգործությամբ և այլն:

Հարցեր և առաջադրանքներ

-Երբ է սկզբնավորվել դեկորատիվ արվեստը...

-Ինչպիսի ազդեցություն է կրել այն իր վրա...

-Որտեղից և ինչպես է առաջացել անվանումը... -Հայաստանում ոսկերչության, դրվագման, խեցեգործության և արհեստների այլ տեսակները որ ժամանակներից են հայտնի

-Դեկորատիվ-կիրառական արվեստի ոլորտները ինչպես են կիրառվում:

Նպատակը՝

Հաղորդել տեղեկություն դեկորատիվ արվեստի սկզբնավորման մասին

*Սովորեցնել, որ դարորի ընթացքում այն կրել է տարբեր ոճերի ուղղությունների ազդեցությունը

*Ձևավորել գաղափար այն մասին որ դեկորատիվ արվեստի գանձարանում իրենց ծանրակշիռ ավանդն ունեն նաև հայ վարպետներն

*Սովորեցնել որ ներկա ժամանակաշրջանում դեկորատիվ արվեստն շարունակում է նորովի զարգանալ

*Ձևավորել վերաբերմունք վերաբերմունք գեղեցիկի նկատմամբ

*Վեր հանել միջառարկայական կապերը

*ԿԱՊԿՈՒ- երեխաներին ցուցաբերել անհատական մոտեցում:

Վերջնարդյունք-

*առաջարկել երեխաներին ամենօրյա
օգտագործման իրերից որևէ սպասքի կամ ինքնաշեն կահույքի
ձևավորում: կատարել գնահատում:

Դեկորատիվ Ներկում Եվ Երանգավորում

Դեկորատիվ

Ներկերը նախատեսված են արտադրանքին գրավիչ տեսք տալու,
ինչպես նաև արտաքին ազդեցություններից պաշտպանելու
համար: Յուրաքանչյուր գույն մարդու վրա ազդում է յուրովի: Գույների և
հատկապես դրանց տարաբնույթ համադրությունների միջոցով կարելի է
հաղորդել տրամադրություն և ու հույզեր: Ելնելով շինվածքին
ներկայացվող պահանջներից, որպես ներկանյութ օգտագործվում են
ջրաներկ, գուաշ, յուղաներկ և այլն: Յուղաներկը ամենատարածված
ներկանյութ է: Ներկանյութերը շինվածքի մակերևույթին կարելի է քսել
վրձինով, գլանիկի կամ փոշեցրի միջոցով: Ներկանյութերով աշխատելիս
անհրաժեշտ է խստորեն պահպանել աշխատանքի անվտանգության
կանոնները:

Նկարազարդում

Նախշակադապարով Նյութերի գեղարվեստական
մշակման ոլորտում իր ուրույն տեղն ունի նախշակադապարով
Նկարազարդումը: Նախշակապարը սովորաթղթից,
գործվածքից, պլաստմասայից, թերթամետաղից կամ այլ նյութերից
պատրաստված հարմարանք է, որի վրա կան նկարի կամ նախշի տեսքով
անցքեր ու ճեղքեր, որոնց միջով ներկը քսվում է նկարազարդվող
մակերևույթին: Նախշակադապարը փակցնելուց հետո, վրձնի
օգնությամբ, եզրերից դեպի կենտրոն, վերից վար շարժումներ
կատարելով ներկը քսում են գեղերեսվող մակերևույթին: Աշխատանքն
ավարտելուց հոտո զգուշությամբ հեռացնել նախշակադապարը և
մաքրել ներկի մնացորդները:

Խարափորագրում

Փայտանյութի գեղարվեստական մշակման բազմատեսակ ձևերի մեջ առանձնահատուկ տեղ է գրավում դեկորատիվ խարափորագրումը: Խարափորագրությունը փայտի գեղարվեստական մշակման մի ձև է, որը կիրառվում է հուշանվերների, կահույքի, զանազան դետալների մշակման ժամանակ: Խարափորագրությունն նպատակահարմար է կատարել նրբատախտակի կամ փափուկ փայտատեսակների լորեն, լաստենի վրա: Աշխատանքի ընթացքում նստել ուղիղ, աջ ձեռքը հուսալի հենելով սեղանին: 10-15 րոպե աշխատելուց հետո, հովացման համար, 2-3 րոպե գործիքն անջատել:

Եզրակացություն

Գեղարվեստական արհեստները Հայաստանում գեղեցիկի ստեղծման զարգացման, պահպանման, ձևավորման, ստեղծագործաբար աշծատելու լայն հնարավորություն են տվել: Արհեստը ոչ միայն կյանքը ճանաչելու, այլև գեղեցիկը տեսնելու, գեղագիտական ճաշակ ձևավորելու և մարդկանց դաստիարակելու հզոր միջոց է: Թե կաշեգործությունը, թե կավագործությունը, թե մետաղագործությունը, թե քարագործությունը, գործվացքեղենի արտադրությունը, ու բոլոր արհեստներն իրենց ենթաճյուղերով զարգացել են պատմական Հանրապետանի բոլոր քաղաքներում ու իրավամբ ու հպարտությամբ իմ հայրենիքը պետք է անվանել արվեստի ու արհեստի եկիր:

Գրականություն

Բաբենչիկով Մ.Վ., Անդրկովկասի ժողովրդական դեկորատիվ արվեստը և նրա վարպետները, Մ., 1948;

Սալտիկով Ա. Բ., Ընտիր երկեր, Մ., 1962;

Չեկալով Ա.Կ., Դեկորատիվ և կիրառական արվեստի ըմբռնման հիմունքներ, Մ., 1962;

Միջնադարյան Հայաստանի դեկորատիվ արվեստ. [Ալբոմ], Լ., 1971

Ս. Հովսեփյան

Ս. Հարությունյան

Ս. Աղաջանյան

Լ. Վերդյան